

ղաքապետն և առ մեծամեծս , և առաքէր Ոստիկանս , զի տացեն վճարել Հայոց զպարտս բաժնիւ ըստ հրամանի Արքային և առցեն զտասանորդս , և եթէ ընդդիմասցին՝ գըրեսցեն գիր բազմակնիք՝ զի առաքեսցէ՝ ՚ի Դուռն . իբրեւ ոչ առին յանձն Խորհրդականք և ոչ մատուցին ունկն յորդորական բանից նոցին , առաքեցին զՈստիկանս Հանդերձ զօրականօք ՚ի վանս , և նոցա եկեալ սկսան տալ ազգի ազգի նեղութիւնս և չարչարանս մտեալ ՚ի սենեակս միաբանաց , և իշխողք քաղաքին անարգանօք և նախատանօք տանէին և բերէին զԽորհրդականս ՚ի դատարան , եւ լուեալ պարտատեարց խուռն բազմութեամբ զեղան լցան ՚ի գաւիթ եկեղեցւոյն , գոչումն և աղաղակ , արհամարհանք և բանք նախատանաց անասելի . տեսեալ Քաղաքապետին և Դատաւորին թէ այսու եւս չվաճարի ինչ , կազմեցին ժողով մեծ եւ կոչեցին անդ զԽորհրդականս , ընթերցան ՚ի լուր ամենեցուն զհրամանս Բդեշխին , և ասլա սկսան բռնադատել զնոսա վասն պարտուց , և իբրեւ տեսին թէ չիք հնար՝ արտաքսեցին զնոսա յատենէ անտի , և գրեցին առ Բդեշխն գիր բազմակնիք , որպէս խնդրեալն էր . եւ հրեայք իսկ բերեալ էին հրովարտակ բաժնիւ պահանջել զառնելիս իւրեանց : Բայց սպասէին դալտեան նորոյ Դատաւորի , և այսպէս մնացեալ միաբանաց ՚ի յետին տառապանս լային և կոծէին զանձինս իւրեանց , վախչել ոչ կարէին , զի պահէին զճանապարհս նոցա զտիւ և զգիշեր , այլ միայն թագչիլ ՚ի սենեակս , և թարգման Մուրատ դողդոջուն շրթամբ կակաչէր զանհեղեղ պատասխանիս իշխողաց , եւ վառէր զնոսա ՚ի բարկութիւն կացուցանել զինուորս ՚ի դուռն վանաց : Ապա ՚ի միում նուազի արիացեալ Խորհրդականաց չոքան ՚ի Դատարան և ՚ի ժողովի այլազգեաց ետուն պատասխանի , թէ չեն ինքեանք տեարք Աթոռոյն , այլ Պատրիարքունք և Ազգապետք , և թէ չունին դրամս ՚ի վճարումն պարտուց , և նոքա ոչ առաքեցին ՚ի կոտանդինուպօլսոյ , և ՚ի Տէրութենէ ոչ եկն կրկին հրաման վասն այնրը , և ասլա ծախեալ իբր 10,000 դահեկանս առին գիր ՚ի նոցանէ , և ինքեանք եւս գրեալ առաքեցին ՚ի թագաւորեալ քաղաքն , և այսպէս զերծան առ ժամն ՚ի ձեռաց նոցա , այլ ոչ էին յապահովի , զի իշխողք երկրին պահան-